

Privilegio Imp. et  
Reg. Maest. necnon  
Oránum Belgicor.  
ad decennium.

SEPTEMTRIO.

AÇORES INSVLAE.

Longitudo  
hujus descriptio:  
nis sumta est a  
meridiano Toletano,  
Occidentem versus.

Infula del  
Cueruo.

Puerto del Cueruo.  
Punta del gada.  
Villa de la punta del gada.  
Puerto de la Amovera.  
La Calañera.  
Puerta y villa de las lagras.  
Punta de las lagras.

Infula de las  
Flores.



Insula Fayal.

Insula  
Graciola.

Insula S. Georgij.

Insula del Pico.

Insula Terçera.

Insula S.  
Michaelis.

Insula S.  
Maria.

Has insulas perlustravit summaque  
diligentia accuratissime descrip-  
sit et delineavit Ludouicus Teise-  
ra Lusitanus, Regiæ Maiestatis  
cosmographus.

ANNO A CHRISTO  
NATO.  
CIO. IC. LXXXIII.

Scala Leucarum. 5 10 15 20

MERIDIUS.

OCCIDENS

ORIENS

41  
40  
39  
38  
37

11  
10  
9  
8  
7  
6  
5

# A S O R E S I N S V L A E.

**I**N S V L A S in Oceano Atlantico siue Occidentali, quas Hispani *Açores* vocant; ab accipitrum auium genere quod isti *Açor*, multitudinis formula, *Açores* nominant, nomen fortitas, sunt qui credunt. Est qui eas ab *Essorer*, gallico vocabulo, quod siccare vel arefcere significat, sic dictas, scribit, ineptitque. Nostrates *de Alaemische eylanden* vocant, quasi Flandricas insulas, quod ab ijs, Brugenfibus mercatoribus nempe, primum detectas creditur. Nihil in ijs id temporis præter arbores, (inter quas plurima cedrus) filuasque & varia alituum genera, inuentum perhibent, eosque ibidem colonos misisse, & cultas reddidisse. Postea sub Lusitanorum imperio se dedidisse, cui hætenus parent. Veteres has minimè nouisse, certum est. nominauerint ne, incertum. Nam an eas sub nomine Cassiteridum descriperint, subdubito. Naues mercibus Indicis onustæ, in redeundo solent ut plurimum ad has accedere insulas, priusquam Vyssiponam, aut Gades adpellant. Mirandum autem quiddam de harum insularum solo, aut cælo, ne dicam genio, hoc accipi: Soluentes utpote ex nostro hemisphærio versus Americam, aut nouum, ut vocant, Orbem, quum primum Açores à tergo reliquerint, continuò liberari à cimicibus pulicibusque, atque omni pediculorum homines infestantium genere, quod statim præternauigatis his insulis, moritur, extinguiturque. Numero sunt nouem, his vernaculis nominibus: S. Michaelis, Terçera, S. Georgij, Pico, Fayal, Graciosa, Las Flores, Del Cueruo, & S. Mariæ, quas singulatim enarrabimus.

## T E R Ç E R A.

**H**ÆC Terçera vocatur, quod tertia sit ordine, ex Hispania venientibus. Insula est frumenti & fructuum fertilis, neque vini omnino sterilis. Magnus incolis prouentus ex rubia quam tinctorum cognominant, qua panni colore rubro inficiuntur. Eius hinc magna vbertas, in primis circa loca, quæ vulgò *Los Altares* & *Folladores* appellant. Primaria vrbs est Angra, cum promontorio seu propugnaculo munitissimo, dicto Braz. il. Hanc insulam Hispani à nostro Seruatore Iesu, *Isola del buen Iesu*, quoque cognominant.

## P I C O.

**N**O M E N accepit hæc insula, à monte, quem habet, in formam rotundæ pyramidis acuminato fastigio in altum desinente. Quidquid namque à natura talem sortitur formam, à Lusitanis *Pico* vocatur. Mons hic altitudinis est trium millium passuum. Intus cauernosus est, multisque antris obscuris excauatus. Solet nonnunquam eiaculari flammæ, Aetnæ instar. Ad pedem huius montis Orientem versus, fons conspicitur, aquæ dulcis, qui interdum ignea fluente, lapidesque ignitos effundit: tantaque violentia atque impetu, ut eos veluti torrens, per decliua & subiecta loca, ad mare vsque protrudat, ibidemque ex horum lapidum mole promontorium effecerit, quod *Misterij* vulgò nuncupant. Distat hoc à dicto fonte XII. M. P. Hodieque ad mille quingentos passus solito ulterius in mare extenditur, ex continuata nempe lapidum hinc deuolutorum congerie. Nugantur qui scribunt hanc insulam à Pico martio aue nomen sumere.

## F A Y A L.

**A**Fago arbore denominatur hæc insula. Lusitani enim fagum *Faya*, & *fagutal* siue locum fagis confitum *Fayal* vocant. Superesse etiamnum in hac insula ex posteritate Flandrorum qui eas primi inhabitauere, familias quasdam, uti sunt qui vocantur *Buyu/Utrecht* &c. ex viro quodam Lusitano fide digno percepi.

De ceteris, nempe quæ de Las Flores, à florum nempe copia: Del Cueruo, à coruis: Graciosa, ab amœnitate, appellationem sumere: aut S. Mariæ, S. Georgij, & S. Michaelis, à Diuis ut pote sic nominatis, (Hispanis enim hoc familiare est, indere locis nomen eius Diui, cui ille dies quo primum ad eum appellant, sacer sit) non habeo quod addam; præterquam, Theuetum errare in eo, quod historiam eius montis quæ nos in Pico plenè descripsimus, illi falso & leuiter S. Michaelis insulæ tribuat.



ACORES - ORTELIUS

Composé en 30/1/1698 par M. H. G. GIROU à Bordeaux  
N° 2000 et 60.000/01